

Birgalikda ijtimoiy davlat sari!

№36

2024-yil
11-sentabr, chorshanba
1918-yil
21-iyundan chiqa boshlagan



O'zbekiston O'vozi

Ijtimoiy-siyosiy gazeta

t.me/uzbekiston_ovozi | facebook.com/uzbekistonovozi | instagram.com/uzbekiston_ovozi | www.uzbovozi.uz | info@uzbovozi.uz



2024 йил 6 сентябрь куни пойтахтимиздаги мухташам масканлардан бирида Ўзбекистон Халқ демократик партияси қурултойи бўлиб ўтди. Парламент қўйи палатасига депутатликка кўрсатилган 175 нафар номзод, делегатлар, тарафдорлар, хайрихоҳлар, қўллаб-қувватловчилар, оммавий ахборот воситалари вакиллари, умуман, мамлакат ҳаётидаги муҳим сиёсий воқеликка бефарқ бўлмаган инсонлар бир даврага жам бўлди.



ХАЛҚЧИЛ ДАСТУР ВА МУНОСИБ НОМЗОДЛАР БИЛАН

ХДП САЙЛОВГА КАТТА КУЧ, ҚАТЪИЙ ИШОНЧ БИЛАН КИРИБ БОРМОҚДА!

САЙЛОВЛАР ВА АЁЛЛАР

Шу йилнинг 27 октябрь куни бўлиб ўтадиган парламент ва маҳаллий Кенгашлар депутатлари сайловининг энг асосий иштирокчилари ҳисобланган сиёсий партиялар яқунланган ҳафтада ўз Сайловолди дастурларини эълон қилдилар. Айни бир пайтда парламент қўйи палатаси депутатлигига ҳар томонлама муносиб деб билган номзодларни илгари суришди.

Айтиш ўринлики, Сайлов кодексига амал қилинган ҳолда бешала партиядан ҳам кўрсатилган номзодларнинг 40 фоиздан ортиғи аёллардан иборат бўлмоқда. Янада эътиборлиси, Халқ демократик партиясидан Қонунчилик палатаси депутатлигига аёл номзодларнинг улуши бошқа партияларга қараганда нисбатан кўпроқ, яъни, 47,4 фоизни ташкил этаётир.

5



ПАРААТЛЕТЛАРИМИЗ ЯНГИ ТАРИХ ЁЗИШДИ!

СЎЗ – ҚУРУЛТОЙ ИШТИРОКЧИЛАРИГА!

— Гувоҳи бўлдикки, бугунги йиғилишда партиямизнинг сайлов кампаниясида муваффақиятли иштирок этиши билан боғлиқ масалалар атрофлича муҳокама қилинди, истиқболли режалар, дастурлар ва ғоялар ўртага ташланди. Албатта, масъулиятли сиёсий жараёнда муносиб қатнашиш учун партиямиз барча имкониятларни сафарбар этади, чунки салоҳиятни тўла ишга солиш орқали қутилган натижага эришиш мумкин.

Партиянинг Сайловолди дастури билан танишар эканмиз, бу дастур тўсатдан пайдо бўлиб қолган, айнан шу сайлов кампанияси учун ўйлаб топилган фикрлар мажмуи эмаслигини кўриш мумкин.

Дастур ва шу асосда сўзланган нутқ Халқ демократик партиясининг йиллар давомида шаклланган, сайқалланган ғоя ва мақсадларини тўла ўзида мужассам этган.

Сайловолди дастуридаги барча йўналишлар, унда белгиланган таклиф ва ташаббуслар мамлакатимиз тараққиёти, халқимиз фаровонлиги учун хизмат қиладиган асосий вазифалар ҳисобланади.

4 САҲИФАДА



ОЛТИН-ВАЛЮТА – ЯНА РЕКОРД ЯНГИЛАНДИ

6

Орамиздаги одамлар

ҲАЁТ БИЛАН ҲАМНАФАС

“Нуроний” жамғармаси Сурхондарё вилоят бўлими раиси, Ўзбекистон Республикасида хизмат кўрсатган маданият ходими, “Эл-юрт ҳурмати” ордени соҳиби, Олий Мажлис Сенати аъзоси, халқ депутатлари Сурхондарё вилоят Кенгашидаги Ўзбекистон ХДП гуруҳи вакили Орзикул Соатовни воҳада билмаган-танимаган киши бўлмаса керак.

Саксон тўрт ёшни қарши олган замондошимиз ўтмишнинг оғир даврларига гувоҳ бўлган. Фарахбахш дамлар ва дориломон кунларга етганига доим шукроналик келтиради. Турмуш фаровонлиги ва дастурхонлар тўкинлигидан мамнун. Ўзгариш, ривожланиш, тараққиёт ва янгиланишларга елкадош бўлиш кераклигини айтади. Ҳаёт билан ҳамнафас ва ҳамқадам одимлаш кекса-ю ёшнинг умр мезонига айланиши кераклигидан гурунг беради.

– Эҳ-ҳе, не-не рутубатли кунларни кўрмадик, – дейди Орзикул ота. – Қай бир замонлар ўтмади, дейсиз. Уруш йилларининг азоблари, болалиқдаги, ўсмирликдаги қийинчиликлар, қимматчилик, адоги кўринмас қаҳатчилик... Буларни гапириш тугул бугун эслаш ҳам оғир мен учун.

7 САҲИФАДА



Парижда бўлиб ўтган XVII ёзги Паралимпия ўйинлари якунига етди. Унда Ўзбекистон делегацияси 10 та олтин, 9 та кумуш ва 7 та бронза, жами 26 та медални қўлга киритди.

Параатлетларимиз янги тарих ёзишди!

Бу билан паралимпиячилар медаллар жамғариш бўйича ўз тарихидаги энг яхши натижани қайд этиб, 168 та давлат ичида умумжамоа ҳисобида 13-ўринни эгаллади. Ушбу натижа делегациямизга Осиё мамлакатлари орасида Хитой ва Япониядан кейин учинчи ўринни тақдим қилди.

Мусобақа якунида қизиқ ҳолат юз берди. Медаллар жадвалида Ўзбекистон билан бир хил — 10 тадан олтин олган Германия кумушлар кўплиги учун, Канада эса бизга нисбатан кўпроқ бронза медаллар олгани ҳисобига биздан юқоридаги поғоналарни банд қилишди.

Таъкидлаш лозимки, Париж Паралимпия ўйинларида Ўзбекистондан илк бор 65 нафар параатлет 113 та лицензияни қўлга киритди. Бундан ташқари, делегациямиз биринчи бор 9 та спорт турида иштирок этди. Хусниддин Норбеков Ўзбекистон тарихида 3 карра Паралимпия ўйинлари ғолиби бўлган илк спортчи айланган бўлса, Шахина Йигиталиева 15 ёшида делегация таркибида Паралимпия ўйинлари совриндори бўлган энг ёш спортчи сифатида тарих яратди.



Медалъ олган параатлетларимиз

Олтин

1. Асила Мирзаёрова (узунликка сакраш)
2. Қудратуллахон Маъруфхўжаев (ядро улоқтириш)
3. Элбек Султонов (ядро улоқтириш)
4. Асадбек Тоштемиров (таэквондо)
5. Ёрқинбек Одилов (найза улоқтириш)
6. Бобур Омонов (ядро улоқтириш)
7. Шерзод Намозов (дзюдо)
8. Хусниддин Норбеков (ядро улоқтириш)
9. Толиббой Йўлдашев (диск улоқтириш)
10. Нурхон Қурбонова (найза улоқтириш)

Кумуш

1. Зиёдахон Исоқова (таэквондо)
2. Кубаро Ҳақимова (ядро улоқтириш)
3. Гулжаной Наимова (таэквондо)
4. Дониёр Салиев (узунликка сакраш)
5. Сервер Ибрагимов (ўқ отиш)
6. Сафия Бурханова (ядро улоқтириш)
7. Кумуш Ходжаева (дзюдо)
8. Шахина Йигиталиева (найза улоқтириш)
9. Рўза Кузиева (пауэрлифтинг)

Бронза

1. Темур Гиязов (баландликка сакраш)
2. Толиббой Йўлдашев (ядро улоқтириш)
3. Нурхон Қурбонова (ядро улоқтириш)
4. Моҳигул Ҳамдамова (диск улоқтириш)
5. Учқун Қуронбоев (дзюдо)
6. Довурхон Кароматов (дзюдо)
7. Муслима Одилова (сузиш, баттерфлай)



Навбатдаги Паралимпия ўйинлари 2028 йилда Лос Анжелес шаҳрида бўлиб ўтади. Унда яна янги тарих ёзилишини кутамиз...

MUASSIS:



O'ZBEKISTON
XALQ DEMOKRATIK
PARTIYASI
MARKAZIY KENGASHI

O'zbekiston Ovozi

TAHRIR HAY'ATI:

Ulug'bek INOVATOV
Ulug'bek VAFOYEV
Maqsuda VORISOVA
Qalandar ABDURAHMONOV
Guliston ANNAQILICHEVA

Muslihiddin MUHIDDINOV
Hayotxon ORTIQBOYEVA
Toshtemir XUDOYQULOV

Bosh muharrir: To'liqin TO'RAXONOV

MANZILIMIZ: 100029, Toshkent, Mустақиллик майдони 5/3

Телефонлар: (71) 239-12-14

Реклама бўлими: (91) 190-19-49. E-mail: uzbovozi@mail.ru

«Sharq» nashriyot-matbaa aksiyadorlik kompaniyasi bosmaxonasida chop etildi.
Korxonа manzili: Buyuk Turok ko'chasi, 41-uy.
Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Navbatchi: Ravshan SHODIYEV
Sahifalovchi: Bekzod ABDUNAZAROV

Г — 937. 3266 nusxada bosildi.

Nashr ko'rsatkichi — 220.

t — Tijorat materiallari

O'ZA yakuni —

Topshirilgan vaqti —

1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.